

ԿՈՎԿԱՍ ԵՒ ԱՐԱՐԱՏ

Սինայն ի քեզ՝ լեառն Կովկաս,
Թէ մեծ Թափօր լինել պանծաս,
Բարէ, որպէս բարձրիգլուխ
Գերրնակա՛ն դու գուրգուռաս:
Կարծես, ամպրոպք՝ ըստորտօիդ՝
Երկրպագութեան վե՛հ յարկիդ.
Պարք աստեղաց բոլոր ի խումբ
Քեւ բոլորին ի լոյս յար միշտ:
Ճաճանչ շողշող արեգական
Ի քէ՛ն բղխի,—ո՛հ, տեսարան
Քանի՛ սիրուն քանի՛ վրսեմ,
Թո՛ղ զարմանան աշխարհ համայն:

* *

Բայց մի՛ պղքան դու բարձրանար,
Մի՛ յաղթեսցէ քեզ այն սին փառք,
Մի՛ աննրման և մեծամիտ
Արկես ըզքեզ յերկնից կամար:
Են քան ըզքեզ վրսեմպանծ
Լերինք բարձուք և ամպամած.
Այո՛ ամպրոպք խորհրդական
Աստեղք զայն ունին պատած:
Արեգական լոյս ճառագայթ
Ազան քան քեզ՝ մինչ պսակաղարդ
Հիւսէ զնոսա շուրջանակի,
Դու ի խոր կաս սրգոյ խաւար:
Որոց և մինն՝ ո՛չ ապաքէն՝
Մեծ քան ըզքեզ փայլի աստէն՝
Այս Արարատ՝ որ Մարդկութեան
Է որորան, աստ և Տապան....
Նուիրական տեղի փառաց,
Զոր ոտք տեսին հանուր Նոյեանց,
Որում՝ յակճիւս կան տիեզերք
Տեսեալ զգաղտնիս բնութեան դիպաց:
Նուիրակա՛ն և Հայկազանց
Ի սիրտս տածէ սէր բազմաբաղձ.
Որոց միշտ յար քան ըզԿովկասդ՝
Է անձկալի այս Արարատ:

Բ Ա Ր Ո Յ Ա Կ Ա Ն

ՀԱՅ—ԱԶԳԱԻԹԻԻՆ

Բոլոր նիւթաւոր գոյացութեանց մէջ արքայա-
կան շքեղ պատուանուէր կսեփհականէ մարդն,
վասն զի կիշխէ նա իբրեւ տէր միւս գոյութեանց
վերայ, իսկուն ի կիր և կզննէ զայնս՝ դիտելով
նոցա իւրաքանչիւրոց տարբրը, նոցա ամենայն մի
յատկութիւններն և պիտանաւորութիւններն բը-
նութեան մէջ. մարդոյ բարձր նշանակութեան
արժանաւորութիւնը կապացուցանեն նաեւ դա-
րերի շրջաններն, որոց մէջ ամենայն մի մարդկա-
յին մեծագործութեանց հետքը խորհրդաւոր պատ-
կերներ են, ամենայն մի հետք մարդոց՝ բնութեան
վերայ գործած ազգութեան և ներգործութեան
կանգուն կոթողներ և անջնջելի յիշատակարան-
ներ կներկայացնեն ապագայ սերնդոց: Ապա ա-
ւելի ևս նշանաւոր է մարդկութիւն, որոյ անբա-
ժան մասունքն կկազմեն համօրէն մարդիկ, և որոյ
առաջին պարունակութիւնն է մարդ անուան
ճշգրիտ և սրբազան յատկութեանց միաւորու-
թիւնն: Եթէ անբաժան և անլուծանելի բաղադ-
րութիւն ունի այս միաւորութիւնն, ապա և ամե-
նայն մի վայրկեան մարդկութիւնն աստիճանաբար
և անսայթաք կատարելագործութեան սուրբ տա-
ճարների մարմարիօնեայ աստիճաններից ի վեր ի
վեր թեւալոխելու յոյս կունենայ, որոնք պիտի
առաջնորդեն նորան դէպ ի անվերջ և անյողողոյ
երջանկութեան հրաշալի պարտէզը, և մարդկու-
թիւնն կընդունէ այս յուսոյ իրագործութիւնը,
եւ ամենայն որ ըստ իւր կոչման և կարեաց գոր-
ծունէութեան լայնադիր ասպարէզի մէջ գուն
գործէ դէպ ի յառաջ քայլեր արձակելու: Մարդ-
կութեան որոշ որոշ մասունք կրաղկացնեն նաեւ
իւրաքանչիւր ազգութիւն, որոնք և կորոշուին
միմեանցից լեզուի և կրօնի տարբերութեամբ:
Ամենայն մի անհատ եթէ կճանաչէ զինքն՝ կճա-
նաչէ զԱզգութիւն, եթէ կճանաչէ Ազգութիւն՝
կճանաչէ և մարդկութեան իբրեւ ի մի ամբողջու-

Թիւնն, Որովհետեւ Ազգութիւնն է մարդկութեան մի մասն, ապա և մարդկութեան նշանաւորութիւնն կամիւրիւր իւրաքանչիւր Ազգութեան վերայ մասնօրէն, և այս նշանաւորութիւնն ևս կորսնուի նորա լեզուի, կրօնի և քաղաքական կեանքի մէջ :—Նշանաւոր է և Հայ - Ազգութիւնն, որոյ սկիզբն պատիւ վերբերեց մարդկութեան, և դիւցազնին Հայկայ աստուածահաճոյ յաղթութեան դրօշակով հաստատեց պարծանօք իւր հիմն : Նշանաւոր է Հայութիւնն այնու, որ կպարծի մինչ ցարդ դէլոյի նման իւր ժամանակակից ազգերի առջև, վասն զի դարերի յորդահօս հեղեղների հետ պատերազմեցաւ Հայաստան, նոցա լեռնաձև և կատաղի ալեաց ուժովն բաղխմանը տոկաց նա՛ իւր անվնհիւր կուրծքը՝ իրեւ Հեփեսոսոսեան տաճարակուռ վահան պարզելով նոցա ընդդէմ : տեսաւ այժ թէ և Հայաստան իւր հարազատներից դաւաճաններ, ոսոխներ և աւերիչներ, Աէնթիէ մուրների անխիղճ սրածութեանց թատրօն ձեւացաւ նա, ոռոգեցան թէ և նորտ տխուր դաշտերը իւր որդւոց անմեղ արիւններով, որոց հօսանքից կարմրեցան սրնթաց և վճիտ գետերն, և վերջապէս անթիւ թշուառութեանց դառն բաժակներ ըմպեց թէ և նա, որոց յիշատակը ամենայն մի զգայուն սրտի համար սայրասուր սլաքներ են և արտասուաց հօսման առիթներ, սակայն այս ամենին արիաբար յաղթելով՝ պահեց Հայաստան իւր սուրբ կրօնը, զրկեց նա գգուանօք իւր երկնանուէր լեզուն, որով և կպարծի միշտ Հայութիւնն :— Օ՛ն ուրեմն մէք Հայաստանի հաւաքատներս, սիրենք հոգւով մեր սուրբ Ազգութիւնն, որոյ բաղկացութեան զխաւոր և անբաժան տարերքներն են մեր սուրբ Արօնը և Լեզուն, զգուշանանք յօտարոտի նորասիրութեանց կերպարանափոխ և պատրուակեալ ի գեղեցկութեանց որոնք կ'կախարդեն մեր զգայութիւնքն և կ'հրապուրեն զմեզ մոռացութեան, կամ լաւ ևս ասել՝ ուրացութեան ատելի անդնդոց մէջ թաղելու զԱզգութիւն : Փոխանակ Աասական՝ Մեհարութաններ և Ահստ Սարգիսներ դառնալու Հայութեան համար՝ աշխատենք կրելու մեզ վերայ զԱզգութիւն սիրող և պաշտպանող հարազատ որդւոց արժանաւոր և պանծալի անուններ՝ քա-

ջին Արամայ և սրբոյն Աարդանայ Մամիկոնէի յիշատակաց արժանի անմահ օրինակներն ի խոր տպաւորելով մեր հոգւոց մէջ :— Ջանանք պիտանի և պատուական անդամ դառնալու մեր Ազգութեան մարմնական կազմուածքին, որ մարդկութեան մէջ մի փառաւոր դեր կգրաւէ, և սրբազնագոյն պարտաւորութիւն կ'կնքէ իւրաքանչիւր Հայի վերայ՝ ի բոլոր սրտէ զինքն սիրելու և օգնելու, և ոչ թէ խապանացեալ և թնայողատու ծառի նման լսելու այն սարսափելի ձայնը, թէ «հատէք զգա, և արկէք ի հուր» ընդէ՛ր զերկիրդ խափնէ, : Յաւալի այժ, այն անձը որ լոկ Հայ անուն կրելով իւր վերայ՝ սառնարիւն կլինի դէպ ի այն Ազգութիւնը, Հայութեան համար կլինի այնպիսին այն՝ ինչ որ է կտաւագործը ակնագործութեան արհեստի մէջ : զուրկ կլինի նա ինքնածանօթութեան առարկայի ամենակարեւոր սահմանից : Ազգութեան իրական բովանդակութիւնը պիտոյ է հասկանայ և ընդգրկէ իւրաքանչիւր Հայ, որով առ Ազգութիւն, հետեւաբար և առ մարդկութիւն ունեցած սեպուհ և սրբազան պարտիքը վճարած գողով՝ իրապէս Հայ՝ և հետեւաբար իսկապէս մարդ անուան բարձր կոչման արժանաւորութիւնը կգրոշմէ պարծանօք իւր ճակատի վերայ, և ահա՛ Հայ - Ազգութիւնն ևս մթութեան թանձր ստուերի և աննշանութեան փողոյ դէմ քցելով արիաբար՝ իւր դարաւոր պարծանաց շքեղութիւնն մարդկութեան ընդարձակ հորիզոնի վերայ իրեւ ծիածան փայլեցնելու կ'յաջողի, և ժամանակի անհրաժեշտ պահանջների վերայ անտարբեր ակնարկ չ'ձգելով՝ մարդկային լուսաւորութեան և յառաջագիմուութեան ասպարէզին մէջ դէպ ի յառաջ քայլեր փոխելու ուժ կ'ստանայ, կ'զարգանայ նա արագ կերպով բարոյապէս, մտաւորապէս և նիւթապէս, և այս երջանկութեան անաղօտ լապտերով պիտի լուսաւորի նա միշտ, պահապան հրեշտակ ունելով իւր վերայ Աշխատութեան, Սիրոյ և Միաբանութեան չքնաղ ոգին, որ իբրեւ անմոլար ուղեցոյց և հմուտ ղեկավար պիտի հասուցանէ նորան դէպ ի ցանկալի նաւահանգիստը : այդպէս և գարնան չըքնադառնալ պատկերն կ'ըրոշմուի Հայ - Ազգութեան պարտեզի վերայ, և նորայ գծագրութիւնն

աւելի ևս հրաշալի պիտի ներկայանայ աչաց ընդ-
 թեան ամենայն մի գեղեցիկ և զրաւիչ երևոյթնե-
 րից, և մարդկութիւնն անուշահամ պոռուղներ
 պիտի յուսայ այն պարտեզէն, որոյ մէջ հարկաւ
 իւրաքանչիւր Հայ մշակութեան քաղցր պարտուց
 խոտովանելի արդիւնքը ձանաչելով պարտ է գոր-
 ծել իրրե ժիւ, և հաւատարիմ մշակ մեր Ազգու-
 թեան պարտեզում, անշուշտ լինելով՝ թէ իւր
 վարձուց փոխարէնն պիտի ընդունէ նոյն պարտե-
 զի բարիքներէն, և պատմութեան էջերուն մէջ քա-
 րի Հայու անուն թողնելով՝ օրհնութեան արցունք-
 ներ պիտի ընդունէ իւր ցուրտ դամբանի վերայ.
 Թող զարդ և Հայութեան բաղդն ևս դարաւոր
 թմբկութեան փողոյ մէջէն վերականգնելով ար-
 շալոյս պիտի տեսնէ ճաճանչած իւր վերայ, որոյ
 առաջին պայմանն է իւր գլխաւոր տարերքն այն է
 Կրօնի սրբազնութեան յարգն և պատուական լե-
 զուի մշակութեան հարազատ պատիւն ուրիշ սո-
 ցա նպատառող միջոցների հետ, որոց վերայ իրրե ի
 հաստատուն նեցուկ պիտի յենու ամրապէս մեր
 Ազգութիւնն, որով և օրհնութեան բարեբեր անձ-
 րաներ պիտի իջնեն Ազգութեան պարտիզի վերայ
 կենսագործ և քաղցրահամ պոռուղներ վերածնե-
 լու յոյս պտղարերելով:

ՅՈՒՆԱՆՆԷԱ ՍՈՒՆԷԷԱՆԵՂ:

ԱՌ ՀԱՅՐԵՆԻՍՆ ԻՄ

Ո՛հ, որ ի քոյդ անուշակ
 Յանմահ անուն՝ Հայաստան,
 Սրտիս ձօնեմ ջերմ անձուկ
 Ընդ մեղմասիւզըն գարնան:

Յանունդ, որով կենդանի
 եմ՝ և կացից մինչ ցմահ,
 եւ ցյետին յոժ սրտիս
 Հեզել զանունդ Հայրենի:

Եւ քոյդ տիպար տիրադէմ՝
 Սեղմել յիմ կուրծ ուխտ է իմ.
 Բոլոր և զանուն ոսկեգիր
 Անջինջ զրոշմել յիմ ի սիրտ:

Ո՛հ, և անունդ հովանի
 Իցէ՞ յաւէտ յիմ վերայ՝
 Հնչել զօղորդ կենսաձիր,
 եւ քե ցնծալ Տուն Հայկայ:
 Դեռ ի քնար վշտալար
 Հնչեմ զանունս Դիցազանց,
 Որք ի քո քաղցր ի սէր
 Ձանձինս զոհել ոչ պակեան:

Եւ սուրբ անունդ արժանի
 Ձանուն թողեալ յաշխարհի,
 Ի կեանս ի մահ միշտ ազատ
 Մոին ի ծոց տապանի:

Ի ծով լողալ արտասուաց՝
 Տաս աչացդ քաղցր հայեաց,
 Յորոց արտօսք ցանգ ի թոր
 Ձօնես նոցին սուրբ շիրմաց:

Բաւ է որքան տխրութեան
 Դեզերեցար ի միմունջ,
 Ի քո ահա գութն երկնից
 Կնքէ զբաղդ ի ճակատ:

Եւ ծաղկազարդ նոր գարուն՝
 Ձերդ ծիածան գոյնզգոյն
 Զվերամբքդ հովասուն
 Սփռէ մանեակս ոսկեզոյն:

Որ իրր զեթերն առողաճեմ՝
 Ակնախտիդ ի քոյդ ծոց,
 Ծագէ զփայլ գեղաւոր
 Ծաղկանց ի զարդ բիրաւոր:

Քաղցրաքնար հանգչելով՝
 Սոխակն ի թուփ վարդենոյն,
 Սեթեւեթէ յիւր նուագ
 Զլուսամայրդ գարուն:

Երդ քեզ համբոյր Հայրենիք
 Կրկնեմ երկիր Հայաստան,
 Ի քոյդ անուն խնկելի, ո՛հ,
 Ո՛հ, մաղթեմ զիմ կնքել կեան:

ՍՈՒՆԷԱՆՆԷԱ ՍՈՒՆԷԱՆԷՂ ՀԱՅՐԵՆԻՍՆ: